

ՄԾԴ.

Զուարճալի դէպք մը... Պոլսոյ մէջ մինարէի մը խաչանիշ գազաթը:

**Վերայարգ և գերապատիւ Տեսնե Տեսնե Արքայ հօր մերոյ
Ստեփաննոս վարդապետի ողջոյն աւանաւերոյ**

... Մահտարժամն երբեմն երբեմն զօրանայ ի քաղաքիս և երբեմն մեղմանայ, յաւուրս յայտոսիկ անդէն զօրացաւ. անկաւ նաև ի տէօրթիօլազըն...: Ի թէրսիսանն որ է հանդէպ Ֆէնէոին ուր մերքն բնակին այժմ, մեռան աւելի քան 470 մարդիկ...: Յաւուրս յայտոսիկ ի մէջ երկու և երեք ամսոց երիցս եանդըն անկաւ ի տէօրթիօլազըն, և միանգամ ևս ի ստամպօլ, բայց շիջուցին վաղվաղակի. այլ երեք աւուրբք յառաջ մօտ առ մեզ ի մէջ այլման սարային և պալաթին անկաւ հրդեհ յութերորդ ժամու գիշերոյն, և տեեաց ժամս հինգ, և էր գիշերն գիշեր շաբաթու, և ամենայն այրեցեալ բնակարանքն էին բնակարանք հրէից որք արտաքոյ ամրոցին. և ամենայն շաբաթացեալ հրեայքն որ անդ, որք և ոչ ի նաւակս ելանեն յաւուրս շաբաթուց, զեղան ի նաւակս, և թի ևս քաշեցին: Յաւուրս յայտոսիկ խաչանիշ նշան մի երևութացաւ ի զլուխ մինարէի միոջ որ ի պալաթ, և տեեաց զաւուրս բազումս, մինչև հոշակեցաւ բանն ընդ ամենայն քաղաքն, և յոյնք սկսան երթալ յուխտ սքանչելեաց նշանին, և այնչափ սքանչելիս և զարմանս յաճախեցին, մինչև եասախճիս կացուցին տաճիկք ի փողոցս յորս երևէր նշանն, և հարկանէին զքրիստոնեայս որք հետաքննին լինէին հայիլ ի նշանն, և այնպիսի ապտակ հանին միում ի յունացն մինչև դէմք հարեցելոյն ի թիկունս դարձան: Այլ յետոյ իրացն ստուգութեան ի վերայ հասաք որ այսպիսի էր. հնացեալ ժամանակաւ մահիկն լուսնին զոր դնեն ի զլուխ մինարէյին, և կոչեմ ալէմ, զերկոսին ծայրս նորա կապեալ են թելիւ ընդ միմեանս զի մի անկցի, որով մահիկ լուսնին եղեալ է այսպէս |» և յանցանել ժամանակաց նոյն մահիկն առաւել ևս հնանալով իջեալ ի վայր ի վեր ելեալ է ցիցն, յորոյ ի ծայրն հաստատեալ կայր մահիկն, այսպիսի օրինակաւ, — |» և ահա խաչն իջեալ յերկնից որ այժմ է ի կրպակ դարբնոյն, յարմարել զնա ըստ առաջին յօրինուածոյն իւրոյ. զայս ամենայն տեղեկութիւն իրացն ստուգութեան առաք ի թարգմանէ նէմցէյու դեսպանին, զոր առաքեաց դեսպանն եասախճիով տեղեկանալ զորպէսն սքանչելեացս: Գողք, ոմանք ասեն 22, և այլք 16, եկեալ են այտի, այսինքն ի վէնէտիկու ի կողմանս յայտոսիկ. և նախ յիզմիր կողոպտեցին զեկեղեցիս մինչդեռ մեք յիզմիր էաք, և յաւուր յորում հանդերձեալ էաք մեք մտանել ի նաւ առ ի գալ ի կոստանդնուպօլիս, յեկեղեցւոյ Փոանչիսքանցուց զողացեալ էին զթախըմ մի ծանր սպասուց պատարագի ընդ այլոց արծաթեղինաց, և մեզ ցուցին պատրիքն զձածկոցն սկւոյն զոր թողեալ էին զողացողքն զգգեստն նորա...: Ի կոստանդնուպօլիս ի բազում եկեղեցեաց զողացան բազում ինչ, ևս ի միոջն զսրբատուփն սուրբ հաղորդութեան, լցեալ զսուրբ նշխարսն ի վերայ սեղանոյն: Այլ յաւուրս յայտոսիկ երկու և երեք ի նոցանէ ի ձեռս եկին, և են այժմ ի թիւն ըստ խնդրոյ դեսպանին վէնէտկոյ, բայց ընկերք նոցա տակաւին ոչ յայտնեցան...:

Յամի տեառն 1765 Նուստոս ծառայ
ի մարտի 20 [Կ. Պոլիս] Հ. Անանիա վարդապետ [ճամպազօղլու]